



Ordinàntzia n. 13 de su 27.10.2020

Ogetu: Regulamentatzioni temporànea de sa circulatzioni stradali po ndi segai is matas a s'oru de sa lìnia elètrica.

SU RESPONSABILI DE SU SERVÌTZIU

Premìtiu ca s'impresa ECOSFERA s.r.l depit esegutai is traballus po ndi segai is matas asuta a is lìneas de MT longu sa strada comunali Su Baroni, e at domandau sa regulamentatzioni de sa circulatzioni stradali in sa bia inui s'ant a fai is traballus.

Pigada a cunsideru sa netzessidadi, po arrexonis de siguresa pùblica de proibiri sa circulatzioni e sa firmada de is veìculus in sa strada interessada de is traballus;

Cunsideradas is carateristicas de sa strada interessada;

intèndiu su parri de is ufizius cumpetentis, prusatotu de su servìtziu tècnicu.

Bius is artt. 6, 7 e 37 de su Còdixi Nou de sa Strada, aprovau cun D.Lgs. 30-4-1992, n. 285 e mudaduras afatantis e su regulamentu de atuatzioni aprovau cun D.P.R. 16-12-1992, n. 495;

Vistu su Statuto comunali;

Vistu su DLgs. nn.267/2000;

ORDINAT

A movi de su 28/10/2020 e finas a s'acabbu de is traballus est proibiu de passai a màchina in sa strada comunali Sabarussa - Su Baroni.

AVISAT

Ca totu is impitadoris depint arrespetai custa ordinàntzia o asinunca s'ant a santzionai cunforma a su chi est prevididu in su D.lg. 285/92;

DISPONIT

Ca s'impresa chi fait is traballus depit pòniri sa sìnnaletica netzessària;

A s'acabbu de is traballus sa circulatzioni depit torrai a che primu:

Sa Politzia Locali e is Carabinesris depint fai arrespetai custa ordinàntzia.

Contra custu provedimentu si podit fai ricursu a su TAR intra de 60 diis de sa notifica de s'antu o a su Presidenti de sa Repùblica intra de 120 diis.

27 de ladàmini 2020

Su Responsàbili de su Servìtziu

Dott. Marco Casula